


# NANI AKAMPOKOLOLA ?



Umulungu umo naile ndeshimike Landwe Lisuma mu musumba ukalamba wa mfumu imo mu calo ca Basuto. Ibumba likalamba pamo ne mfumu no mukashi waiko, balongene ku kuumfwe Shiwi Iya kwa Lesa. Ishiwi ili Iya mweo kabili Iya maka kabili Ilyatwo kucila ulupanga Iwa bunoni kubili, Iyafikile mu mitima ya bantu.

Ilyo line naleshimika, umukolo wa mfumu ikalamba, namfumu wine, atendeke ukullosha nga nshi. E Iyo aimine ne filamba filepona. Atendeke ukubilikisha ati, “Nani akampokolola?” Njafweni napapata, umutima wandi naucenwa; ndi wa bulanda kabili wa nkumbabulili. Nani uwinganjafwa? Nani akampokolola ku busha bwa mfwa? Ndecita shani? Mwalinjishiba, ndi mukolo wa mfumu kabili ndi umo uwa bakapepa banakashi. Ukutule myaka amakumi yabili ndalongana mu Cilonganino, lelo ifintu fyonse fi tafyanjafwa iyo, tafinganengo kubo muntungwa. Ubupulumushi bwalinkaka. Ndi cacolwa, ndi wa misoka. Amaboko yandi yalikowela kabili yalibipa ico yali ayakosa ku kulongo bwalwa, ica kunwa cilya icabipa. Ubupulumushi bwalinkaka ku maboko na ku makasa; ndi mufungwa wa ku Mbo.

Kabili pa kuyaikala alilile nga nshi, no kubilikisha, atile, Njafweni! Njafweni! Nani akampokolola ku minyololo iyi ya bupulumushi? Nalitemwa Lesa, lelo bupulumushi e bulenteka, bulenkulila ku mbo. Naipeye ibeli lyandi umwaume. Nalikolelwe ilyo namupapile, na mu kukolwa kwandi nawile panshi no kutendeko kukunkuluka no kufungaulo mutwe we beli lyandi iliyayemba, no kufwa lyalifwile. Njafweni napapata; mpokololeni ku mfwa. Ubusenshi teti bunjafwe. Imipepele ya fye teti injafwe. Nani uwinganjafwa? Nani uukampokolola? Nayaswike no kutila, "Umutende ube kuli iwe. Ukucushiwa kobe kuli kucushiwa kwa muntu fye onse. Icitabo ca kwa Lesa, Baibele, apelo kwasuko ku kulila kwa mutima obe. Abena Roma 7:15-25, atwebe fyo ubupulumushi buletuteka kabili atweba no wingatupokolola. Pantu naishibo kuti muli ine (e kutila mu mubili wandi) tamwaikale cisuma; pantu ukufwayo kucite cisuma kwaba kuli ine, lelo ukucicita e ko nafilwa. Pantu icisuma ico mfwaya, nshicicita, lelo icibi ico nshifwaya e co ncita. Ubupulumushi ubwaba muli ine e bumpatikisho kucite cibi, no busuma buntu mfwayo kucita, nshibucita. Pantu ndesaminwe mbela ya kwa Lesa ku buntu bwa mu kati, lelo namone mbela imbi mu filundwa fyandi ilelwa ne mbela ya mutima wandi, no kuntwala bunkole ku mbela ya lubembu iili mu filundwa fyandi.

Nomba nelyo ku ntanshi ukulila uku kuli no kwisa ku mutima wa muntu onse – **Iye ne Muntu wa nkumbabulili ne! Nani Akampokelela?** Nga twalilila kuli Lesa ali no kutwasuka kabili ali no kutupususha.

## UBWASUKO


Yesu e kwasuko ku mepusho yesu yonse. E kwasuko bwa lipusho lyobe. Ne pusukilo talili mwi shina limbi kano mwi shina lya kwa Yesu e mo tuli no kupusukila. (Imilimo 4:12). Yesu eka e wingatupokolola ku mpulumushi shesu. Umulopa wakwe weka uwasumine pa Lupanda, e wingatusamba ku bupulumushi bonse.

Takuli shinanga, takuli muti, takuli ndoshi, takuli muntu, takuli kashimika nangu shimapepo, takuli cilonganino icingakupokolola ku bupulumushi. Yesu eka, Umwana wa mpanga wa kwa Lesa, e ufumyo bupulumushi bwa calo; e wingatupususha no mulopa wakwe na ku maka ya Mupashi wakwe.

Yesu umwana wa kwa Lesa aishile muno calo ku kushibula amenso ayapofula, ku kufumya abakakwa umwa kwisalilwa, na baikala mu mfifi mu nanda ya cifungo. (Eseya 42:6,7). Yesu atile: "Uyo onse ucito bupulumushi musha wa bupulumushi kabili wa kwa Ciwa, lelo ngo mwana wa kwa Lesa akulengo muntungwa, ukabo muntungwa cine cine.

(Yohane 8:34-36). Yesu e cine icilengo buntungwa.

Yesu umwana wa kwa Lesa asendele mpulumushi shesu mu mubili wakwe ku Lupanda. Impulumushi shobe shalipampaminwe pa lupanda. Cine cine amacushi yesu wene asenda kabili atwikwa ne fya bulanda fyesu. Lelo alashilwe pa fya bupulumushi fyesu, kabili afwantilwe pa fya mampulu yesu; ukulimuna ukwa kutumwenamo ubutuntulu kwaponene pali wene na mu fipumo e mwaishilo kupola kuli ifwe. (Eseya 53:3-7).



*"Kube ukutotela kuli Lesa mull Kristu Yesu." (Abena Roma 7:25).*

*"E ico ngo Mwana Amulenga abantungwa mukaba bantungwa cine cine."  
(Yohane 8:36)*

Baraba ali mupulumushi umukalamba uwa misoka, uwasekelwe ku kufwa. Ali no kuti atanikwe lelo Yesu abulile icifulo cakwe no kusendo lupanda luntu Baraba afwile ukutanikilwapo. Yesu umwana wa kwa Lesa atanikwe mu cifulo ca kwa Baraba, mu cifulo cobe, na mu cifulo candi. Uwa misoka alengelwe ukukakulwa pantu umuntu umbi abulile amalolo yakwe no kufwa mu cifulo cakwe.

Iwe na ine tuli ulya Baraba. Icilambu ca bupulumushi ni mfwa; lelo ica bupe ca kwa Lesa mweo wa muyayaya muli Yesu Kristu. Nga walolesha no busumino ku Lupanda Iwa kwa Yesu Kristu kuti waimona we mwine no bupulumushi bobe pamo nafipampaminwa ku Lupanda. Yesu abulile amalolo yobe pa Lupanda pa kuti ube no mweo umuyayaya. Wene asumisho mulopa wakwe pa kuti welelwe mpulumushi shobe. Pantu Lesa

atemenwe iwe pa kuti apele umwana wakwe uwafyalwa eka ukuti wionaika lelo kuba no mweo wa muyayaya.

Ilyo mukolo wa mfumu aumfwile amashiwi yonse e lyo atetekele muli Yesu no kubiko mutima wakwe kuli wene uyo uwamufwilile pa Lupanda no kusumyo mulopa wakwe ku kusambo mutima wakwe ku bupulumushi bonse.

Apele umutima wa bupulumushi kuli Lesa na Lesa amupele umutima upya no kumwisusha na Mupashi wa Mushilo. Tamwelele mpulumushi shakwe e pela, lelo amupokolwele pamo ku maka na ku buteko bwa bupulumushi. Pa myake ingi ukufuma lilya line alikala umweo usuma, uwa bwanshisho, uwabuta tutu. Tanwa bwalwa nangu bube bwa musango nshi; tapepa fwaka nelyo kupepa wa nsunko, lelo aikala bwino kabili ni nte ya fintu fya cine. Aleshininkisho kuti ngo muntu ali muli Yesu Kristu ali cibumbwa cipya, "Ifya kale nafiya, moneni fyayalulwa ifipya." (2 Abena Korinti 5:17).

Na iwe pamo we ulebelenga kuti wabo muntungwa mu busumino ubuli muli Yesu Kristu.

Yesu atile: "Iseni kuli ine, **BONSE** mwe bacucutika kabili abafinwa, na ine nalamupelo kutusha." Isa kuli Yesu ifyo fine uli na 'po wikele. Umwebe fyonse fya bupulumushi bobbe na fyonse ifilekucusha. Nga waisa no mutima uwapetama, uwabulanda no wa kutetekela takakutamfye iyo. Nalimo wasumine akale no kubatishiwa lelo walikakwa mu bupulumushi. Isa kuli Yesu alekulengo kuti ube umuntungwa pa kashita kamo kene fye, mu musango umo wine fye nge fyo aposeshe uwa fibashi no kupela amenso ku mpofu. Yesu acili na maka ya kuposha uwaputuko musana, no kulubulo mufungwa, e ulekelela amampulu yesu **YONSE** no kuposha amalwele yesu **yonse**. (Amalumbo 103:3). Ilyo wingatetekela no kupelo mutima obe kuli Yesu kuti watulembela. E lyo kuti tulekwafwilisha mu butungulushi bonse.

---

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

**E-MAIL: [info@angp.co.za](mailto:info@angp.co.za)**

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)